

Headline	Dua kilang diarah bayar RM6j		
MediaTitle	Harian Metro		
Date	19 Jul 2018	Language	Malay
Circulation	112,705	Readership	338,115
Section	Setempat	Page No	24
ArticleSize	412 cm ²	Journalist	Mahaizura Abd
PR Value	RM 48,504		



Dua kilang diarah bayar RM6j

■ **TNB buktikan JCY
HDD Technology usik
pemasangan meter elektrik**

Mahaizura Abd Malik
mahaizura@hmetro.com.my

Kuala Lumpur

Mahkamah Tinggi Pulau Pinang, semalam membenarkan tuntutan Tenaga Nasional Berhad (TNB) berjumlah RM6,966,011.10 terhadap JCY HDD Technology Sdn Bhd berikutan pengusikan pemasangan meter elektrik.

Hakim Datuk Abdul Wahab Mohamed membenar-

kan tuntutan TNB selaku plaintif terhadap defendan dengan kos sebanyak RM25,000 dan menolak tuntutan balas defendan.

Tuntutan itu selaras dengan peruntukan Seksyen 38 (3) hingga (5) Akta Bekalan Elektrik 1990 bagi pengusikan antara 20 September 2007 hingga 20 November 2009.

Dalam penghakiman itu, TNB berjaya membuktikan berlaku pengusikan pemasangan meter merekodkan bacaan penggunaan elektrik di

Headline	Dua kilang diarah bayar RM6j		
MediaTitle	Harian Metro		
Date	19 Jul 2018	Language	Malay
Circulation	112,705	Readership	338,115
Section	Setempat	Page No	24
ArticleSize	412 cm ²	Journalist	Mahaizura Abd
PR Value	RM 48,504		



MAHKAMAH Tinggi Pulau Pinang, Kompleks Mahkamah Pulau Pinang, Lebu Light.

kilang defendan yang menghasilkan dan mengedarkan komponen mekanikal pelbagai cakra keras.

Tuntutan itu bagi kedua-dua kilang defendan terletak di Plot 553, Lorong Perusahaan 4, Perai dan Plot 55(a), Mukim 13, Taman Perindustrian Bukit Minyak, Seberang Prai Tengah, Bukit Mertajam, Pulau Pinang.

Jenis pengusikan yang dikesan ialah litar arus S1 dan

S2 bagi ketiga-tiga fasa merah, biru dan kuning yang dipintas menggunakan alat pemintas tembaga.

Selain itu, litar arus S1 dan S2 diganggu menggunakan alat dawai pemintas tembaga di mana link Test Terminal Blok meter dipintas pada bahagian S1 untuk fasa merah, kuning

dan biru ke bumi.

TNB diwakili peguam Hadi Mukhlis Khairulmaini dari Tetuan Steven Thiru & Sudhar Partnership yang mengemukakan writ saman pada 23 Februari

Defendan pula diwakili peguam Prathib Kumar dari Tetuan Kandiah Partnership.

TNB memanggil tujuh saksi, manakala defendan mengemukakan seorang saksi untuk memberi keterangan sepanjang perbicaraan.

Perbicaraan penuh berlangsung pada 5 Mei, 31 Julai, 6 dan 13 September, 11 Oktober, 15 November, 13 dan 14 Disember 2017 serta 11 Januari dan 27 Februari lalu.

